

sen/sich gestärcket/ vnd erquicket haben: Also/ Meine Seele/ stiller auch die Speise des heiligen Abendmals/ den Geistlichen Hunger: vnd können wir damit noch in vnserm Elend/ auff dieser Pilgerfarth / da der hellische Saul vns zum hefftigen verfolget/ vnser mattes / angefochtenes Herze/ kräftiglich erquicket. Doch ist vnd bleibt so ein grosser Vnterscheid/ zwischen den Schawbrodten/ vnd heiligem Abendmal: Wie auch Hieronymus anzeigt (Tantum interest inter panes propositionis, & corpus Christi, quantum interest, inter umbram & corpus, &c.) als zwischen dem Schatten/ vnd einem wahren wesentlichen Leibe/ etc.

Hieronym.
ad Tit. ca. 1
Vide etiam
Cypr. l. d.

V. Ambrosius zeigt vns abermal ein schönes Bild/ des H. Abendmals/ an der Bundhandlung Moses/ Exod. 24. Denn als derselbe alle Rechte vnd Wort des H. Erren / den Kindern Israel kundt gethan hette: Hat er Brandopffer vnd Danckopffer lassen opffern/ vnd mit dem Blut solcher Opffer/ das Volck besprenget vnd gesaget: Sehet/ das ist das Blut des Bundes/ den der H. Erren mit euch machet/ vber alle diesen Worten. Gleich wie nu solches Blut gleichsam ein Siegel vnd Pfand/ des alten Testaments vnd Bundes gewesen ist: Dadurch die Kinder von Israel / der Gnaden Gottes vergewissert/ hinwiederumb aber verpflichtet / vnd verbunden wurden/ Gott dem H. Erren zu dienen/ vnd in seinen Geboten zu wandeln. Also ist auch das H. hochwürdige Sacrament des Abendmals / ein Siegel vnd Pfand des Neuen Testaments vnd Bundes/ dadurch wir der Gnaden Gottes/ in Christo vns zugesaget vnd fürgestellet/ vergewissert: vnd hinwiederumb verpflichtet werden / Gott dem H. Erren getrewlich anzuhängen/ vnd zu dienen.

V.
Ar. brof.
Tom. 5. fol.
270. in c. 11.
prioris ad
Corinth.
Exod. 24.

VI. An der feurigen Koble/ die ein Seraphim vom Altar genommen/ Esai. 6. v. 6. vnd damit des Propheten Lippen berühret / vnd gereiniget hat: wird (wie Damascenus schreibt) die Krafft dieses so H. Abendmals/ vns auch figurlicher weise angedeutet. Denn gleich wie mit solcher glühenden Kohle/ die unreinen Lippen des Propheten gereiniget seyn: Also werden durch würdige Nüßung/ des Leibes vnd Blutes Christi / im heiligen Abendmal auch vnser Herzen gereiniget. Dis Bild ist bey den Griechen in ihrem Horologio gar gemein.

VI.
Esai. 6.
Damasc. lib.
4. cap. 14.

Dis Bild ist bey den Griechen in ihrem Horologio gar gemein.

Dis Bild ist bey den Griechen in ihrem Horologio gar gemein.

Sinte